

反神無知形合太玄道德來居與天為一祝
曰
駢闐累居 玉宮九城 三宮布列 丹碧羅精
周流百關 伏鍊尸形 妙有合炁 變化生明
役御大有 上飛玉清

道備神寶玄領真諱德被群品玉帝開顏身
帶龍與同旋萬天俯窺三辰坐知億年作經
一章刻東華玉闕玄觀之上以傳金名青書
玉簡高真之人

青童玉保玉道經

九開龍胎先 胎幾太無始 玉空流常無
意真寶繁會 使日東桑霞 咽吸出紫闕
三元極元初 至德理上玄 感激但恍惚
妙覺道自然 桃康瓊瓊父 命精升泥丸
朱珠養雲根 天芒下入淵 真神合母精
涓涓淡流泉 默御伯玉君 晨霞起凝煙
照韞上玉公 掖致鑲密間 金曜隱芝華
太帝揖玉階 混化真常名 智惠命九還
億齡無足多 不變飛神丹 大道得長存
長存開闔間

青童道君玉經盟禁至重道之玄樞焉于今
偃息青林總校上真調御神炁育生元元神
寶真諱先乎天地有知此文身得神仙知其
寶諱披登祖玄高侍帝宸壽無窮年
上清神寶洞房真諱上經終



正一天師清微弟子 洪百堅 製作

洞玄靈寶九真人五復三歸行道觀門經

道言善男女等修行正道當須無欲自觀妙
見真心洞然明照有為想念見在心中非起
照心知取心法但了心了心法勿起了心了
心法但心寂勿起寂心寂但寂非寂勿非寂
不寂又言木無火土無火是二無同木無火
木無人是二無同心無知本無知是二無同
心無知心無本是二無同中亂故取真則
謬同外斷故取真則無故大混之中有無量
性無量之性同依正性感致生相如木出火
如心起知化現世間無常生滅真道正性實
無生滅人能淨心與道合者則是反本復命
真常爾時玄中而作頌曰
知起因於境 火發生於緣 各是真種性
乘流失道源 起心欲息知 心起知更煩
了知性本空 知即衆妙門
道言散朴為器乘流識境識境法中有四妄
知一內心知二外境知三中共知四捨無知
然此妄知但有名字離此四妄亦無別真所
以者何知非二故内外妄知非一故中間妄

知非無故斷而妄知非有故常而妄是故識境如露如泡又云凡夫作奇為幻聖人神通為化影響夢想為虛同相取真為謀唯有慧力明照其真了心即道真妄不二不捨內外真妄不一隨境現識隨識見境識之與境無正有無無後無先不常不斷畢竟清靜善寂無為自然而然登太一果是為復道反本真常爾時空中而作頌曰
散朴為諸器 輪像出無形 中持不殆信 乘流運死生 識境互依起 內外妄知成 了明真妄一 歸心與道真
道言從青至黃為波浪捨青等色入眼為歸身從眼至耳為輪識捨眼等根復心為歸神從念至念為生滅捨念等數反寂為歸命歸命合道道亦合之內外同真自在無礙無礙之性法界徧通徧通道眼照諸品相青等諸相現道眼中眼之與相非即非離等行真體不斷不常於是法中而作頌曰
心淨真根現 根淨妙境彰 境妙通心淨 心清復命常 道心本不二 同流五趣方

雜物離生死 非人非道場
道言從庚至泰為流轉從人至鬼為方馳從俗入仙為却死從凡入聖為歸常歸常復命復命證道道性澄淨普徧圓明故能持照夷等諸相相之與性相依依而有念念不住共生共滅此生滅性不生不滅不生不滅故非假非真是故諸道境界同入大道性中超出有為離諸緣相於是性中而作頌曰
夷秦等諸界 識感同業鄉 人鬼等道殊 有無互不妨 却死行歸道 復命反真常 澄心道眼淨 衆妙現其方
道言真人所行四種法門天人男女有能修行不懈則得昇入無為與道合真
道言道德真妙體元無極洞運陰陽凝靈天地流精散朴裁品成形形倫所感不受地業業性之應開併萬端識地冥元無復增減唯有生死遂染成因九獄五真乘行而受何謂九獄
一者違大道聖窈冥自然謝真常隱量鬼來加法體伏報清真獄玉皇主之寂等以持罪

二者違真德致化元清受濁至性波凝鬼來加種識變報三結獄天皇主之躁等以持罪
三者違性本起染情玄精喪真惠波畸鬼來加緣體滅報終甫獄地皇主之妄等以持罪
四者違理性趣亂煩意性惑識本殘詐鬼來加方身壞報五倫獄人皇主之苦等以持罪
五者違信行誑口擁脾勞倉天鬼加志廢身亡報普掠獄黃帝主之杖等以持罪
六者違仁行殺眼闌肝壞素天鬼加魂散身亡報風雷獄青帝主之刀等以持罪
七者違義行劫鼻塞肺枯丹天鬼加魄去身亡報金剛獄白帝主之煩等以持罪
八者違禮行淫舌爽心驚玄天鬼加神逆身亡報火鬻獄赤帝主之冰等以持罪
九者違智行愚耳聾暗竭鎮天鬼加精枯身亡報溟泠獄黑帝主之壓等以持罪
然此獄中所受之罪重者計劫輕者計年隨其業力歷周方數諸上之獄速而輪之若欲離者當修五勝之行何謂五勝
一者初察五知明十行有無妄門

二者次觀心智了無常生滅化門

三者進修信惠淨業曰復命寂門

四者妙致種玄混冥蒂洞真明門

五者榮辨照道登通明真洞證門

此之五真所修之行身心洞妙具足圓成出

離無常得真常道真常道者孟徧無窮非有

非無不常不斷是為真道正性自然而然於

是法中而作頌曰

真常持六道 貫境起違倫 昭昭休寂野

冥冥萬象分 感業稟形化 形感致心神

神形互依止 動為來業因 九犯致其獄

五勝登其真 道妙通心海 心妙道自然

為無非絕性 為有非兩邊 在物非生死

離物非常存

道言善男女等若能修行五勝昇入真門則

得出離九獄登無上位具足法界證道真常

爾時仙眾聞說是義心懷歡喜而讚偈曰

十方無極界 一道一衆生 六趣連淪海

一常一敗成 真妄無二實 罪福不虛名

唯當證道體 三界即三清

真入行道任證頌

道言善男女等欲得絕離諸苦昇入無為當

修習九真進道之行夫道行者持戒止念淨

心守一外斷諸見內除眾垢出離三有證彼

無為自然而然而得無上位爾時真人聞說是

義心生解脫即至道場隨淺隨深俱蒙益利

各稱其力而說頌曰

初第一真人頌曰

了出諸見諦 心靜外垢除 六邪虛妄盡

正一自然居 致得證無我 至獨而不孤

昇遊來妙門 永洞空無虛

上第二真人頌曰

至人證法空 性淨內無垢 心欲既已除

無染無所有 是故得解脫 不受於諸受

到彼無為場 常貴而食母

上第三真人頌曰

無處無終始 不亡亦不依 無念無色愛

冥合希夷微 得等真一遊 變化莫能推

洞豁洞無相 昇玄歸不歸

上第四真人頌曰

無空無無色 無識無見習 無心無無想

無性無緣集 神形不相隨 相依不相入

永斷生死流 衆苦莫能及

上第五真人頌曰

心體無方所 實性虛中存 欲習既滅盡

神洞入無間 不住諸有空 不舍太清門

自然通妙極 遊居真淨天

上第六真人頌曰

正性無取捨 色習自然亡 不盡於有為

不處於道場 常於無邊境 順物而不明

無礙無區分 玄同至道綱

上第七真人頌曰

照智入緣起 神朗太虛沖 無色習已滅

宿結盡虛融 乃於生死海 逍遙解脫宮

無起於太定 運慧曠無窮

上第八真人頌曰

心道不二倫 無際亦無處 在用而常寂

無生無所主 真妄體同源 應變無常所

百法自開明 三容洞然舉

上第九真人頌曰

空慧自在力 感證法身 二諦即常寂
三代照負珍 今古無先後 所主人非人
七變無恆相 六通非異神
是時真人各各頌已咸皆恭敬處在其位心
懷歡喜具整威儀迴向道君設禮而去

洞玄靈寶九真人五復三歸行道觀門經

○ 五 十 〇



正一天師清微弟子 洪百堅 製作

道教學術資訊網站